

南口龍岡（益昌）

陳氏族譜圖

2004年第五次修續

（卷一）

南口龍岡(益昌)陳氏族譜總目錄

民國廿六年版族譜存留資料

第五次修續族譜增補資料

一	二	三	四	五	六	七	八	九	十	十一	十二	十三	十四	十五	十六	十七	十八	十九	二十	廿一	廿二	廿三	廿四
南口龍岡陳氏族譜序	陳氏族譜例	陳氏續譜序	陳氏族譜續序	陳氏續譜序	陳氏族譜募捐序	附編東陽龍山二派族譜之緣起	附太丘公行傳、季芳公傳略	始祖作則大郎公派系一世至五世	附錄重修陽頂岌二世祖墳記	始祖作則大郎公派系六世至十世	始祖作則大郎公派系十一世至十五世	彩色插頁	第五次修續族譜熱心贊助芳名錄	第五次修續族譜機構成員與分工	《南口陳氏族譜》序(第五次修續族譜序)	南口龍岡(益昌)陳氏族譜修編概況	常用簡化漢字與繁體字對照表	本譜內若干詞義釋	象形祖屋重安祖牌記	重修作則公祖墳記	象形祖屋重修記	南口益昌『安龍』民俗活動	楹聯錄
第 4 頁	第 5 6 頁	第 7 頁	第 8 頁	第 9 頁	第 10 頁	第 11 頁	第 11 頁	第 12 13 頁	第 14 頁	第 15 34 頁	第 35 126 頁	第 127 142 頁	第 143 頁	第 144 頁	第 145 146 頁	第 147 148 頁	第 149 頁	第 150 151 頁	第 152 頁	第 153 頁	第 154 頁	第 155 頁	第 156 頁

續 增 補 資 料

廿五	廿六	廿七	廿八	廿九	三十	卅一	卅二	卅三	卅四	卅五	卅六	卅七	卅八
中國歷朝年代與重要歷史事件、人物	明清紀年表	資料：陳氏	讀譜疑問與探索	昭穆排輩知識・世代排輩、本宗九族圖	資料：南口鎮・益昌村	資料：南口圩市	家鄉的古榕傳奇	吾族（始祖作則大郎公）發展概況	附圖：南口龍崗住宅發展示意圖	增補資料：二〇〇三年水浸村記實	增補資訊	附錄照片	后記
第157—161頁	第162頁	第163—166頁	第167—170頁	第170—171頁	第173頁	第174頁	第175頁	第176—187頁	第188—189頁	第189頁	第189頁	第190—196頁	第196—198頁

房 系 分 支 簡 稱

序號	1	2	3	4	5	6	7
簡 稱	左法廣廷用東竹公房	右梅岡廷佐公房	右梅岡廷佑公房	右梅岡廷仙崑岡公房	右梅岡廷仙崑南公房	右梅岡廷仙穀餘公房	右梅岡廷仙蔚之公房
序號	8	9	10	11	12	13	
簡 稱	右梅岡廷仙次之公房	右梅岡廷仙參之公房	右梅岡廷仙裁之公房	右梅岡廷仙用之公房	始祖友珍六世東陽公派	始祖念三郎七世龍山公派	

始祖作則大郎公、二世一郎公、三世萬一郎公												始祖友珍公派系	始祖念三郎公派系
四世	法廣	梅岡											
五世	廷用	廷佐	廷佑	廷仙									
六世	應策			崑岡	崑南	崑台							
七世	東竹					穀餘	心閣						
八世							仲奇		仲俊				
九世							蔚之	次之	參之	裁之	用之		
序號	1	2	3	4	5	6	7	8	9	10	11	12	13
1世至10世	1~5世. 第12頁~第13頁 6~10世. 第15頁至第34頁											1世至20世	1世至20世
11世至15世	35頁 43頁	44頁 51頁	52頁 55頁	56頁 62頁	63頁 81頁	82頁 85頁	86頁 94頁	95頁 101頁	102頁 105頁	106頁 115頁	116頁 126頁	480頁 490頁	491頁 496頁
16世至20世	201頁 223頁	224頁 251頁	252頁 254頁	255頁 263頁	264頁 289頁	290頁 305頁	306頁 335頁	336頁 398頁	399頁 402頁	403頁 422頁	424頁 479頁		
21世后	501頁——517頁												

南口龍岡陳氏族譜序

族譜者譜一族也譜一族者使一族各知所自出源源而不紊也是故族各有譜未有有族而無譜者然而他族有譜而吾族獨無譜吾族無譜而吾族必不可以無譜吾族不可以無譜而必至今日而始有譜則譜之始有庸詎易言哉夫譜之於家猶史之於國不信不可以爲史不真不可以爲譜也吾竊怪今之俗族本微也妄自附於大其視宗支不啻路人及其趨勢要奔顯赫反若手足骨肉叔侄昆季之呼儼如同堂也幸廁科名則齒錄隨之茫無所自來而但曰吾之某祖與某之祖爲伯叔爲兄弟得竊附其間者且自以爲得計以誇於人久之而所費若干或附其祠又所費若干并乞人其譜者矣其爲識者之所訕笑旁人之所羞稱弗顧也

夫如是則譜之安可徵信而有譜安得不難也吾之譜吾族也亦祇存其真而已矣安敢類是惟願後之觀是譜者溯流思源顧本庇葉毋混我宗支毋蔑我一脉毋我附於人毋人附於我源源相承繇繇以繼世遠而復修之則譜之始於今日者異日蕃衍以至億萬祀轉徙以至異國皆可按譜而攷真前人既爲其難後人又何憚而不爲其易也謹述其意以俟來者

時

康熙三十四年歲在乙亥季夏穀旦九世孫徽章書於思艱堂

乾隆五十九年歲在甲寅仲春下浣十三世孫紹淵錄於懋修堂

光緒十年歲在甲申仲秋下浣十六世孫文泉錄於四如書室

陳氏族譜例

——他姓之譜皆必遠引漫無攷據者以爲始祖夫他事猶或可疑借而祖宗斷不可疑而借也今籍程者多云自寧化石壁村來吾姓亦然此皆不可曉大約吾族自

始祖以至三世恐不免單寒微弱幸 先人不附他族以有今日今亦安敢妄焉稱引姑即所知以爲

始祖者即以爲

始祖後而果昌正瓜瓞之義也前即單寒庸何傷

——譜系之詳所以明有祖也亦所以明有宗也故有大宗有小宗有宗子以統族人如吾族至四世而始分兩房則長房之長世世爲宗是爲合族大宗而吾次房繼四世之長者爲吾次房之小宗遞而推之父之長子各自爲宗此古人尊祖敬宗之義也宗子之法宋儒言之家禮載之今人縱不能遵古制能知禮者 皆當存其意今後祭

始祖以及三世祝文當用大宗之宗子爲先余序立悉依世次其各宗派俱照依宗法永爲遵守則有譜亦尊祖敬宗之所係也幸毋忽

——譜有譜式奈無一定之式雖無一定之式吾作吾族之譜又何可使無一定之式夫族之有譜猶川之有流脉絡分明已往不息也使作譜者不能使脉絡分明已往不息又何可言作譜哉用是幾經思維始得其要然未敢自信也迨借覽他族既成之譜參之胸中所擬之譜似亦不甚相遠者如吾族之譜自一世以至三世當另爲一帙至四世始分爲兩房即從分房祖起定以各房每五世爲一帙然定以每五世爲一帙若前五世既序成而後五世方序起則此處承接前後必須分明故於分帙起處另作一標頭屬四世分爲大房者標頭則書一左字屬四世分爲次房者標頭則書一右字此則兩大房之別也然兩大房中又各自有分房之長次故序各分房之子孫之世系即先標出各分房祖於標頭至有標頭

不能悉載者又在分帙格上補注明白俾閱者見某名即知爲某房某祖之派不惟左右兩大房不相紊即一房中之長次亦不相蒙也此式倣前人之意雖稍有變通但閱之似覺脉絡分明既往不息信乎有如川之流焉自此之後吾族雖千萬世譜定以五世爲一帙可也雖千萬世每五世分帙起處另作一標頭可也然神而明之存乎其人是又望後之續譜者

- 譜爲家乘所以紀實也族內有忠臣孝子悌弟順孫義夫節婦貞女綱常所係風化攸關及有德行事功可稱述者必錄之以風世以示勤至有事關大典者亦必錄之以垂永久
- 譜立之後宗法不可不嚴族間倘有不幸艱息者許立本宗應繼之子爲嗣如有乞養何姓者查真當衆削其譜系斷不容其瞻拜墳祠合族仍鳴官共逐之其有敗常亂紀及好爲生事素行不軌者不論貽害宗族與否合族亦共鳴官逐之不容其瞻拜墳祠污及世譜

- 族內有徙居外方者必錄之曰某人徙某處以示不忘
- 族內子弟幼故無書生子者除名不編入譜間有伯叔兄弟年老有妻妾而無子者紀之名下止書一盡字
- 譜五世一修此定論也嗣後有志續譜者務宜矢公矢慎毋得率意任性妄肆褒譏以誣同宗
- 宗祠族譜斯二者 先大人暇時必言及此恨未遂志而歿章不肖早歲引爲己任愧所學未成因循弗果今譜雖粗就而祠宇未建固艱於費尤儉於基雖後此尚未可量而此心安敢一日忘也姑俟之以待其人
- 宗子之子有嫡庶嫡出雖少庶出雖長亦必以嫡出之子爲大宗子書名於正系直下而長子次列不得爲宗子若小註中則伯仲序之如嫡無所出則長子書於直系下爲宗子此家體宗法也

九世孫徽章謹誌

陳氏續譜序

夫譜牒者所以紀本支之所出聯昭穆之攸分也譜牒不作則前之本支昭穆無由考譜牒不續則後之本支昭穆無由稽此有其創之不可無以因之也我族譜牒作於我大高伯祖 徽章公法盡美而盡善其紀九世以前之本支昭穆既詳且備九世以後譜不知何人所續亦既編至第十三世矣十三世至今又加五代族益大丁益繁正待後人之續譜乃同治五年歲次乙丑復遭洪楊事變本鄉遍紮軍營一切典籍俱銷於兵燹幸十六世孫國梁見游勇賣物籃中有書一本取視之乃族舊譜也因賣回噫此不可謂非我

祖宗之靈爽式憑矣向使珠竟沈淵璧終去趙後之人從何徵文

攷獻而知我陳氏之本支昭穆乎泉久有志續譜奈少暇日

今見此譜謹一綫之延不得不決意修續顧續之難也年代既久戶口浩繁支派各別即九世以至十三世尚有舊譜可攷而其中不免缺略異同查各房呈開十三世以前名字有爲舊編所無者有與舊編不同者泉細心攷訂既信者則書之有疑者仍其舊至十三世以下共五代雖爲時尚近其名易詳而所編間有遺漏蓋以世遠丁繁賢愚不一有三代以前不知其高曾之名字者有遠出外洋年久未歸者無從詢悉其人此亦無可如何者也泉再三思之欲後世編譜之詳莫若逐年書名之悉自今以往若於祖堂設粉牌二面分挂左右每年添丁者於元宵上燈之日各依左昭右穆書名於牌至歲冬即按名編入譜內事不繁而資不費傳之萬禩亦不遺一人此較前人五世一修之法更爲妥善特未知我 諸父諸昆肯采蕝蕝否也續譜既成爰弁數言於首

時

光緒十一年歲次甲申仲秋月下浣吉旦十六世孫文泉謹序於四如書室

陳氏族譜續序

今乎族之有譜猶木有本水有源也我族自

太始祖作則公於前明初年由閩遷粵卜居嘉應州之南口鄉二

三世皆單寒至四世始分兩大房五六世以後族漸滋大延

至七八世族益蕃衍約計斯時在國初順康年間矣後起有

人九世 徽章公始作序立譜嚴族規定宗法其有功於宗

族振興教化者褒之其獲罪於宗族越禮犯分者黜之釐然

秩然彰彰可考自是以後族大丁多人文鼎盛簪纓繼起傳

至今日十八世矣中間歷年久遠咸同以來迭遭兵燹鈔譜

散失

祖宗有靈幸獲原譜續而修之皆^{文泉}_{國梁}兩人力也憶予自幼

時曾目見此譜嗣因先父裕堂公入籍瓊山予弱冠後赴瓊

應試往來跋涉歷有年所通籍後恭應朝考游幕燕薊歷有年

所宦游楚北三次署篆歷有年所屢欲回籍瞻拜松楸藉伸孝思

議修族譜因公務羈身因循未果

光緒乙酉冬月奉上準補

枝江縣缺丙戌六月赴任次兒^{毓荃}又侄^{邦彥}偕來任所攜帶舊譜

呈覽予以爲鈔譜之流傳不如刊刷成本使闔族家存譜系庶可

歷久而不至散失僉議皆同爰召手民付諸梨棗俾垂久遠以至

億萬奕禩雖遷移遠方皆可按譜而稽洵美舉也亦盛事也至於

族規宗法各宜永遠懍遵而編譜之法^{文泉}侄序中詳言之後之

人當繼志述事而子子孫孫勿替引之有厚望焉

時

光緒十二年歲次丙戌嘉平月穀旦十五世孫^{富文}謹序於湖北

荊州府枝江縣署

十五世孫^{念慈}

十六世孫^{毓荃}_{毓荃} 監校

十七世孫^{邦彥}全監校

陳氏續譜序

先君子聘蓀公晚年於課讀暇時嘗手自編錄自我十三世祖恩官公以下家譜一卷其卷端序言有曰壯年作幕枝江徒勞跋涉惟幸所携淵如叔編成本族譜系得愆愚 蘭渠叔祖捐廉刊刻工成後將原板悉行裝運回里付梓分派各房存覽雲雲於是始知舊譜之所自來日月易邁今距舊譜之刻又五十余年矣以時考之適合前人五世一修之例况原有譜板早被蠹魚食盡各房所有譜本其能保存完整者什不得一現丁口日繁今族中自五十歲以下之人未載名譜上者何止二三百數以勢言之又不能無以續修矣邇年來族中父老曾幾次提議去歲族叔 競全乘游運之便爲旅外各叔侄言之亦莫不贊成由是發簿捐款設所治事不數月而工作告成蓋事之難

莫難於創始吾族譜牒先人已立有規模則後人欲本此續修除費用外其他固別無難題耳且今鉛印之易比昔木刻之難相差實不可以道里計似不妨印刷多部廣爲流傳庶幾後生小子有所稽考不致數典忘祖從流溯源知我龍岡陳族俱屬一本至親於以聯族誼篤宗情或大有賴於斯乎蘇明允曰讀吾譜者孝悌之心油然而生矣余於族人之觀譜者亦於此期之至對於所有譜牒當如何善爲收藏以及後人審情度勢認爲有續修之必要時當如何謀所以從事則此即爲敬宗睦族之一種表示人之好善誰不如我固無庸喋喋者矣此次修譜族衆特公推 堂叔立昂族叔競全族兄瑞五族弟訪元等董其事事已畢族人以余參與其成命作一序以實簡端固辭不獲謹成斯篇

民國二十六年 月 日十八世孫勵精序于嘉蓮書屋

陳氏續譜募捐序

吾姓族譜自族叔祖蘭渠公倡修後距今又四五十年當編訂之始由我始祖作則公以次一脈分支別派彙集成書閱之已修至十八世矣惟自十八世以後有十九世二十世者完全均未記名即在十八世以前其排行在十五世十六世十七世之間者亦因出世較遲不及備載者亦夥故雖有舊譜六冊已失其時效續而修之正此時也亦急務也顧維修譜之法代有明訓實以丁口愈繁散佚愈大時代愈久調查愈難予曩歲在家曾建議重訂因鬻務紛繁事遂中止今年春月適有暹羅之行與族中叔侄坐談重提舊事僉以事在必行但修訂一節凡關於編排印刷等等手續綦多即經濟一途亦當有預算實賴群策群力協助進行事果有成異日一堂聚首把酒桑麻或識尊親于堂廟或序長幼于鄉閭人手一編得以資其考證不亦厚幸也夫是爲序

謹擬修譜規程十條詳列于後

- 一處所 借自治會所爲辦事處命名曰陳氏家族修譜事務所
- 二款項 向國內外叔侄募捐先爲調查編排印刷等費用
- 三職員 擬推正主任一人副主任二人纂編員二人繕寫員二人調查員二人擔任一切工作

- 四通訊 國內星聚公司慶順國外暹羅華興吧城球茂坤甸生和加里吉打阿木擔任收款通訊之責
- 五特約 制特約券先行付款每部定價法幣伍元印好時即行分送不再取費
- 六發行 擬印壹百部每部定價法幣拾元按照軍餉派額由各房備價向領結束核算後如有盈余作爲公積以爲下次修譜之用
- 七插圖 凡本族祠堂墳墓學校團體個人可以拍影制圖寄來以備編印費用由各人負擔
- 八編纂 凡族中先代墳墓志表聞人略歷可以投稿但須簡短以省費用
- 九排輩 擬用晉升豫泰元亨利貞八字以命十九世至二十六世之名各房一律按照輩數以昭劃一
- 十附庸 鋪背輝旺公山下鐵樓公原不屬作則公一派但同住南口墟下共存共榮且自治會亦已加入此次修譜似可另立一欄費用酌量負擔

中華民國二十五年春月十七世孫競全序于暹羅華興公司之辦事室

附編東陽龍山二派族譜之緣起

吾姓居住南口除我始祖作則公一大部份外曰東陽曰龍山是即予募捐序中所稱步背斐旺公山下鐵樓公之開基祖也九世斐章公創作譜牒紀律謹嚴不與他族蒙混其義至正然究其原始所謂二公者本屬一脈至親况同居一處共存共榮其密切格外相關予曩歲因事客游暹羅倡議募款修譜翌年回國在鄉設所治事乘間以附設一欄之議商諸族衆衆皆曰善因仿予一派舊譜參酌編制逐成二冊以附卷末事已藏因誌數言以叙其緣起

時民國廿七年月日作則公十七世孫競全書于漱芳新館

附太丘公行傳

實字仲弓潁川許人受業大學家貧為郡西門亭長尋轉功曹司空黃瓊選補聞喜長漢靈帝初大將軍竇武辟為掾屬與同郡韓韶荀淑鐘皓齊名所至以德政稱謂之潁川四長公平心率物里人爭訟輒求判直有曰寧為刑罰所加毋為陳君所短大尉楊彪司空陳耽每當拜除輒嘆公位未登愧以先之初丘當詣荀淑長子元芳御軍次子季芳驂乘孫長文尚幼抱手中荀淑家八龍更傳左右叔慈應門慈明行酒孫文若抱置膝上太史奏德星見當見賢人聚漢明帝永平七年甲子生靈帝中平四年丁卯卒壽八十四會葬者三萬人謚文範先生有六人紀夔洽諶休光蔡中郎有志另載。

季芳公傳略

公諱諶字仲芳實公仲子也才識博大為鴻臚卿或問公曰家君有何功德而荷天下重名公曰吾家君譬如桂樹生於泰山之阿上有萬仞之高下臨不測之淵上為甘露所沾下為淵泉所潤桂樹焉知泰山之高淵泉之深不知有功德與無也一日其子孝先與其兄子長文各論其父功德不能決咨於太丘公公曰元芳難為兄季芳難為弟按季芳公桂喻與子貢所稱終身戴天履地而不知高深操杯杓而飲於河但知滿腹語意略相似蓋處尊親之際微詞渺論或不得不然也而竊嘆或人之問失焉我太丘公特詘于位耳夫使公德必待高位而顯則庚桑楚戶居而畏壘大化段干木偃處而西河輟攻夷門布素足以存趙卻秦而桐江一絲且巋然系漢九鼎何耶太丘雖鄉郡小吏未列冠華而含和吐粹薰其德而善良鄙薄頑懦超然為之興起故當時網維上弛風俗下成較功絮德恐漢廷位三事職旬宣者未必不汗顏矣嗟夫世豈可以顯晦論人物者哉季芳公一喻可謂知太丘無愧為令子也惜促于壽未及展布耳二難之目亦千古僅一見哉

間稽吾姓歷史除與各姓若鐘若賴俱出自潁川者外曰光遠曰星聚典籍具載彰彰可考吾南口龍岡陳氏自九世徽章公創作譜牒體制謹嚴無論時下之巨室名門不敢輕於附會即淵源有自之列祖列宗亦略於紀載蓋年代久遠其與世系年譜上下銜接有關也茲從先達五琴先生所作家譜錄有大丘公傳季芳公傳二篇不忍割愛因附載之以示來者

始祖 大郎

公謚作則諱字莫考木主歷傳僅書陳公大郎原籍福建寧化縣石壁鄉於前明初年來程始居於程鄉西洋筆竹園二世遷于大坪大族水三世又遷於南口車陂至四世兄弟二人乃遷于南口岡下遂分居而業焉

公葬于大坪大族水徑子里寅山申向康熙庚申年合族重修墳立寅山兼艮近縫坐箕宿四度向參宿九度系地盤百二分金甲寅甲申末綫即暗藏三百六分金丙寅丙申水來丁午走辛酉墳堂水放地盤坤俱用火綫火度消局正合河洛二五八局及天定位配卦。陽頂岌二世祖墳理氣同此。

妣陸氏生一子名一郎妣額葬西洋筆竹園龍徐坑鹿子坡迨到四世遷居南口時始改葬于寨子頂巳巽山近縫巳多二綫坐軫宿二度向璧宿三度俱以金度消局墳堂水放地盤辛形喝仰琵琶股子穴。四面周圍并無墳

二世 一郎

公謚翼裕諱字亦無可考木主舊亦僅書陳公一郎葬于本鄉車陂陽頂岌寅山申向百鳥歸曹形康熙庚申年合族重修

妣林氏謚懿奎生一子名萬一郎葬于大坪大族水陳公窩庚山甲向康熙甲戌年合族重修墳立庚山兼酉坐畢宿三度向心宿五度係地盤百二分金庚申庚寅中綫即暗藏三百六分金壬申壬寅金綫水來辰巽走丑艮向上甲峰挺特是爲中星俱以金綫金度消局墳堂放水未曾查明諒是地盤由壬出申方合河洛配卦形喝天平對針又名二童講書

三世 萬一郎

公謚樸直至諱與字都無所攷木主碑舊亦僅書陳公萬一郎葬于小乍定田蒿湖塘面庚山兼申雄鷄撲翼形墳立庚申縫庚多一綫坐畢宿一十三度向尾宿九度地盤三百六分金係壬寅壬申分金分經俱用金綫墳堂水放天盤乙地盤乙辰水口走竅壬亥正合一四七局三大卦坎離交媾

妣徐氏謚端惠生二子長法廣次梅岡葬于車陂竹頭窩大塘面申山寅向墳立坤申縫水放地盤乙名豬肝形膽穴妣墳頂有四世祖叔墳妣墳左邊有叔祖妣鄒氏墳下與梅魁公墳相連

	左房	右房		
四 世	法 廣	梅 岡		
	娶鍾氏 生一子廷用 公與妣合葬 車陂茶亭側	娶溫氏 生三子：廷佐、廷佑、廷仙 公謚勤篤 妣謚閨範 合葬龍窩里貓兒洗面形		
五 世	廷 用	廷 佐	廷 佑	廷 仙
	娶李氏 生一子應策 葬于小乍鷄 母寨對面窩	娶張氏生二子 應繹、應書 公與妣俱葬張公挖 公號扶山，在樹湖 陳氏宗祠立有扶 山、振山、北山兄 弟三人牌位，民國 十七年在席草堂 新祠立有左首第 四級牌位一位。	娶張氏、劉氏 生二子：雙柏 雙池 公號振山	公號北山，別號逸叟，謚勤創，不慕榮名甘心邱園務本力農創基 置產詒我后裔實宏且遠也，凡我北山公派嗣后遇有賓興舉行祭 禮，公即不在四代坐享之列亦當請主配祀庶報公德于萬一爾。 娶林氏生四子：崑岡、崑南、崑臺、崑田 繼娶朱氏、何氏 公與朱、林妣合葬于本鄉下山下墳立辰巽縫辰多一綫坐軫宿十 八度末向奎宿 度地盤三百六分金庚辰水走壬子是以金綫消局 形喝生蝦戲水何妣葬于本鄉圩尾丑艮山近縫丑多三絲坐斗宿 一十五度向井宿二十度地盤百二分金癸丑是以土木消局

附錄重修陽頂炭二世祖墳記

記之作也胡爲乎蓋因其地因其人因其事既往者有憑將來者可鑒可記家運之常亦可記人事之變何則吾今日重修

二世祖墳不可少此一記者先考其實次慮其終恐后日久茫無所據失其本真余不揣固陋愛爲之記曰家運之有盛衰人事不無乖舛風水信之有準而形家未嘗無惑在今日不獨吾

二世祖可鑒即他墳亦當類推必有可行亦有可畏毋得任其智術多方更作也緬吾 二世祖考額葬本鄉車陂陽頂炭坐立寅山兼艮天然墳穴式頗仄小石鉗本自生的石托亦屬平坦就其口而葬之藏骸二百年得山川之靈氣祖宗安妥家道興隆固有然者溯我 祖伯懿恭公即徽章首修祖墳整外而不動內非其識不如人實得陰陽不測之理真省事而不多事此家運之常爲可記也此其一厥后先王父潛齋公誤中形家蠱惑於雍正甲辰起祖金視之清水滿罐骸骨堅凝拋棄原穴遷上數尺高築墳塋及數年后墳頽碑碎先王父幡然悔悟亟欲爲之修復念念不忘奈年老偃蹇而不果三十年家運蕭條辛苦異常此人事之變爲可記也又

其一乾隆甲戌秋倡言者 輝可公謂 祖墳若斯宜家運若斯亟爲之修復原穴式衆口如一即日興工拆墳覓視蓋翻罐倒此理真不可測矣子孫千億當前者目擊心傷即耳聞者亦莫不悲切也逐俾余董其事余無容辭師匠之饗餐實得子璉之力居多焉於是勾秋祭之費不敷幸族衆孝思樂助竭蹶襄成斯時也遍尋原穴不確后得一穴寬尺余耰鋤甚易石色黃潤上下兩旁皆不可鑿也擇吉於九月十八日卯時復葬焉得此天然雖非原穴而衆口咸曰可此莫非 先祖有靈默爲護衛此可昭示來茲者尤足記也又其一嗟乎風水有憑家道足興揆之於理當自無訛然成敗利鈍誰敢逆料但以三十年之運數推之當亦信其無訛也願共爲子孫者各盡追遠之思常念我 祖宗永邀山川之靈默佑合族之祉俾世世受福無疆地靈人杰信不誣矣噫家運之盛衰人事之得失其中有數焉耳而后當慎之懷之而毋忽是爲記又從而歌之曰南鄉東北五六里天作高山神奇育青松挺拔出幽谷森森紅光輝而燭天高峰矗矗憶昔前明按院經謂此鐵鎖系長江內有宰輔職名因瑞應地以傳猴牯坐岩陳氏佳城山高水長奕世榮昌

此記從嘗簿內錄出未知何人所作附錄於此以垂后世

左
四世法廣公
五世廷用公房

六世

應策

李氏

背窩
車陂隔窰
葬于本鄉
生子東竹

七世

東竹

田氏

茶子排
陂塘子尾
妣葬于車
三角塘面
塘宕耙炭
公葬于官
紹林興林
生子永林

八世

永林

黃氏

弘貴弘淑
弘略弘度
生子弘益

紹林

饒氏

張氏
弘用弘韜
弘彩弘明
生子弘榮

九世

弘益

盡

弘略

吳氏

生子膺秀

弘度

盡

弘貴

卓氏

生子膺珍

膺厚

弘淑

盡

弘榮

余氏

膺輝膺超
生子膺繩

弘彩

吳氏

膺松
生子膺泰

十世

膺琇

許氏

生子子玖

子何子及

膺珍

謝氏

生子子乾

子坤子贊

膺厚

謝氏

生子子木

子杉

膺繩

劉氏

生子子肖

膺輝

李氏

生子子質

膺超

林氏

生子子饒

子順

膺泰

羅氏

蔡氏

生子子貞

曾氏

生子子守

膺松

饒氏

生子子盛

子珩子蕃

(接 35 頁)

(接 36—40 頁)

(第 15 頁)